



Број:
Sarajevo, 9.3.2016.

Parlamentarni vojni povjerenik BiH Boško Šiljegović razgovarao sa zamjenikom generalnog direktora Direkcije za civilno zrakoplovstvo BiH

Parlamentarni vojni povjerenik BiH Boško Šiljegović razgovarao je danas sa zamjenikom generalnog direktora Direkcije za civilno zrakoplovstvo BiH (BHDCA) Marinkom Šimunovićem o pritužbi pripadnika 2. helikopterskog skvadrona Brigade zračnih snaga i protuzračne odbrane Oružanih snaga BiH zbog kršenja odredbi Ugovora potpisanog između BHDCA i Ministarstva odbrane BiH u svrhu davanja 24-satnog dežurstva Službe traganja i spašavanja (STS).

Kako je na sastanku istaknuto, prema navodima pripadnika 2. helikopterskog skvadrona Brigade, Ministarstvo odbrane BiH već godinama kasni sa isplatama zarađenih dnevnica, a evidentni su i problemi s opremanjem prostorija za dežurstvo STS-a, kao i pitanje ishrane.

Prema riječima gosp. Šimunovića, BHDCA ima za cilj da se ostvare sve pretpostavke za realnu isplatu naknada pripadnicima 2. helikopterskog skvadrona Brigade zračnih snaga i protuzračne obrane Oružanih snaga BiH, te očekuje da Ministarstvo odbrane BiH ispuni ugovorene obaveze.

Parlamentarni vojni povjerenik BiH i zamjenik generalnog direktora BHDCA izrazili su nadu da će se novim sporazumom između BHDCA i Ministarstva odbrane BiH u svrhu davanja 24-satnog dežurstva STS-a, koji je stupio na snagu 1. januara ove godine, u cijelosti riješiti ovaj problem.